



**Sámi allaskuvla**

Sámi University of Applied Sciences

OAHPPOPLÁNA

---

# Osku ja eallinádddejupmi Sámis 2

**15 oahppočuoggá**

Giela, duoji, boazodoalu ja servodatdiehtagiid goađi jođiheaddji dohkkehan mearrádušnotáhtain 14.5.2018 Dutkan- ja oahppostivrra áššiid DOS 89/13 ja DOS 26/18 vuodul. Public áššenummár: 18/00213. Ođastuvvon goahtejođiheaddji mearrádušnotáhta bokte 16.04.21, Public áššenr. 21/00080-8.

## 1. OAHPPOOVTTADAGA NAMMA

Sámegillii: Osku ja eallínáddejujumi Sámis 2

Ruotagillii: Tro och livstolkning i Sápmi 2

Dárogillii: Tro og livstolkning i Sápmi

Engelagillii: Faith and view of life in Sápmi 2

## 2. OPPALAŠ DIEĐUT OAHPU BIRRA

- **OAHPPOVTTADAGA KODA:** OSK 1002
- **VIIDODAT:** 15 oahppočuoggá
- **OAHPU LÁGIDEAPMI:** Oahppu lágiduvvo deaivvademiid bokte. Ohppui gullet logaldallamat, seminárat ja studeanttaid barggut. Deaivvademiid gaskkas sáhtta neahttaoahpahus lágiduvvot.

## 3. OAHPU GULLEVAŠVUOHTA

Oahppu sáhtta dohkkehuvvo oassin iešguđetge bachelorprográmmain, omd. doarjjafágan/válljenfágan.

## 4. SISABEASSANGÁIBÁDUSAT

Dábálaš sisabeassangáibádusat alitoahpahussii. Sisabeassanvuodđu sáhtta leat juogo oppalaš lohangelbbolašvuolta (čadahan joatkkaskuvlla/logahaga) dahje reálagelbbolašvuolta.

## 5. OAHPAHUSGIELLA

Oahpahus lágiduvvo davvisámegillii, muhto logaldallamat sáhttet leat eará Skandinávalaš gillii dehe engelagillii. Oahppu lágiduvvo dainna lágiin ahte dan galget sáhttit čadhit sihke davvisámegiela ja skandinávalaš giela studeanttat. Studeantabarggut ja eksámenbarggut sáhttet čállojuvvo juogo sámegillii, skandinávalaš gielaide dahje engelagillii.

## 6. SISDOALLU

Oahppu addá váldodieđuid Sámi oskku dálá áiggi birra. Dálá áiggi oasis addojit vuodđodieđut Sámi oskkolašvuoda birra, sihke dan mii gullá ásahusaid dássái ja dan mii gullá árgabeaivái. Dát oassi ovdanbuktá sihke vuoigŋalaš praksisiid, girkolaš vieruid ja ođđavuoigŋalaš vuogit mat leat guovddážiis dálá Sámis.

## 7. OAHPPANJOKSOSAT

Maŋnel čadahuuvon oahpu galgá studeanta olahan čuovvovaš oahppanjoksosiid:

Studeanta

- diehtá movt girkodoaimmat lea organiserejuvvo davviriikkaid girkuid siskkoabealde
- diehtá soabadanproseassaid davviriikkalaš girkuid olis

- diehtá sámi teologalaš barggu birra davviriikalaš diliid olis
- lea ožžon vuođu árvvoštallat girku dahkamušaid das movt hálddašuvvo sámi oskkolašvuođa praksis ja vierru
- diehtá Sámi ođđášamanisma ja ođđavuoingnalašvuođa birra
- máhtta čilget Sámi iešguđet guovlluid risttalašvuođa ipmárdusa ja praksisa
- diehtá árgabeaivválaš vuoingnalaš vieruid ja praksisiid
- máhtta guorahallat ehtalaš ideálad ja movt muitalusat, biibaldulkomat ja praksisat leat oassin das ahte cealkit ja viidáset fievrredit daid
- diehtá daid iešguđet oskkolaš surggiid Sámis ja daid dovdomearkkaid

### **Obbalaš gelbbolašvuohta:**

Studeanta

- diehtá doahpagiid mat adnojit dán fáttá dutkamis ja máhttit árvvoštallat daid moaitevaččat maiddái
- máhtta čilget daid stuorit diskurssaid mat leat Sámi oskkolašvuođa dálá áiggi siste
- máhtta čilget proseassaid oskku dáfus mat dálá áiggi leat guovddážis girkus ja servodagas

## **8. OAHPAHAN- JA OAHPPANVUOGIT**

Oahpahuš lágiduvvo sihke logaldallamin, joavkobargun, semináran ja bagadallamin. Vurdojuvvo ahte studeanttat oassálastet aktiivvalaččat lágiduvvon oahpahušii. Sáhtta leat neahttaoahpahuš.

## **9. GÁIBÁDUSAT BEASSAT EKSÁMENII**

Gáibádus beassat eksámenii lea;

- Dohkkehuvvon bargogáibádusat. Oahpus lea guokte bargogáibádusa. Bargogáibádusat sáhttet čađahuvvot njálmmálaččat dahje čálalaččat.
- Leamaš unnimus 80 % fárus oahpahušas go leat deaivvadanvahkut

## **10. EKSÁMEN**

Guovtti vahku čálalaš ruovttueksámen. Čállosa guhkkodat galgá leat 6 – 10 siidu.

Studeantta čállá sohppojuvvon čuolmma vuođu.

Eksámen árvvoštallojuvvo oktasaš árvosániin ECTS-vuogádaga mielde, mas buoremus árvosátni lea A ja vuolimus ceavzinárvosátni lea E. F árvosátni mearkkaša ahte ii leat ceavzán.

## **11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?**

li leat.

## **12. KVALITEHTASIHKKARASTIN**

Čujuhuvo Sámi allaskuvlla kvalitehtasihkkarastinvuogá dahkii ja dasa makkár vejolašvuodát ja geatnegasvuodát studeanttain lea árvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvoštallojuvvo evaluerenčoahkkimis ja studeanttat devdet árvoštallanskovi oahpu loahpahettiin. Ásahusdásis oahppu árvoštallojuvvo studeantaárvoštallamiid, eksámenraporttaid, sensorraporttaid ja fágaraortta vuodul.

## **13. LOHKANMEARRI**

Lohkanmearri dohkkehuvo sierra.